



夫草鬱則為腐樹鬱則為蠹人  
鬱則為病病而思有以愈之其道  
甚難軒岐以下諸書汗牛充棟世  
之朝盧扁而夕和緩者六難擢髮  
計大抵多法古人之書而能善通  
古人之意者近是桂巖子曰我以不  
問則我神矣彼以不對則彼情

矣。自哉斯言，雖不必為醫者道，而  
不啻為醫者道也。夫醫者，意以藥  
者，論也。通其意而後用藥物以疏  
滯之，乃為善。若必泥一成之見而欲  
強人之病以就吾說，幾何而不為  
人費哉？余官京師時，肉子病且篤，  
醫者踵接於門，而疾不為動。徐

君齡臣至服藥不效怙而病無益為  
失余於是始得與齡臣交然終媿  
未有以報也未幾旋里而齡臣適有  
事於羊城故友重逢欣然備玉照  
為登報誌銘感旋又出其手著之  
醫粹精言一書問序於余以受而  
讀之見其上下古今渾融條貫凡成

書之沿誤者釐而正之古人終絃聚訟  
者折而衷之是真能多讀書而通以  
意問古而善為興起者夫齡臣不  
羈才也不獲假尺寸柄出其經濟學  
問以醫天下僅存餘緒撰集是編  
甚矣齡臣之非得已也然猶洽問  
彈見純粹以精其殆淮南子所謂

灼而能張幽而能明弱而能強柔而  
能剛橫而維而含陰陽統宇宙而章  
三光者歟由此言之 齡臣之志其亦  
未可量也是為序

光緒二十二年丙申清明節 記名

道負用五品銜翰林院編脩愚弟

崔永安拜叙并書





粵自炎帝嘗藥願有本草軒皇門難始著靈樞一  
日七十毒孫論八十篇古之聖人聰明天竇智周  
萬類猶必含咀以別其性研究以晰其微誠慮夫一  
之未精以貽誤天下後世也世之庸醫竊窺一卷之  
茫然若迷遂以人命嘗其技何其謬哉吾友徐子齡  
臣少業儒好經濟書詩文有奇策一不得志於有司  
遂棄去走京師以醫名一時病無大小应手輒奏效  
願自以為中善也凡夫四庫著錄脈經時疫之篇



異域方書日本朝鮮之古籍博觀約取審門慎思而  
又堂開思半延名流而會講職供醫院應列星而為  
郎二十年来於此道三折肱矣往歲中日播釁黔  
乃喟然曰大丈夫不能為國家鍼膏肓起痼疾化弱  
而為強僅僅區區以醫名非國手也於是上書當路言  
和戰利病近萬言凡三上終不見用遂下津門渡海  
臺越申浦泛珠江將徧覽山川險要以希一當道僑  
寓羊城因同人恣意出所著醫錄精言以問世友醫

世霖所知然宋清高節惟子厚能知康伯大名雖  
女子亦曉其學其名霖信之其書之精粹有益於天  
下後世且不至貽誤於天下後世霖信之亦願與人  
共信之矣噫梁公名相一砥墜疣宣公鉅儒手輯方  
技以道得民為儒以道救民為醫蓋臣儒者也其為  
良醫不亦宜乎

光緒二十二年歲在丙申花朝

賜同進士出身翰林院庶吉士鄉愚弟楊錫霖頓首

拜撰並書



*[Faint, mostly illegible vertical text columns, likely bleed-through from the reverse side of the page.]*

顧亭林先生曰君子之為學以明道也以救時也士  
生寰中第沾沾於詞章考據內無以明道外無以救  
時於世何裨焉吾友 徐君齡臣幼聰穎性豪俠績

學未第旋棄儒而就醫理探靈素學貫岐黃居京廿  
餘年活人無算去冬予有事於粵適 徐君亦客羊

城出所著醫粹精言示予觀其所作悉動中肯綮  
不泥乎古人不薄乎古人且能高出乎古人豈變而  
通之與直神而明之爾持此以閱世匪特可以醫人

更可以醫醫爰綴數語以質世之知徐君者

歲在癸卯澗春王正月冕江弟毛澤曜南甫拜叙



醫粹精言自序


竊謂醫書可讀者除漢唐以上之論則可以讀可以不讀也況近世著作家各逞臆見理多隔膜其若非實能有輔翼聖經與治法有益者亦可以不必讀矣然多聞而擇多見而識聖人且云故於精粗參半之書亦不妨取而讀之畧其短而取其長是在善用者耳予究心岐黃二十餘年所讀無慮數十百家所用之法皆取決於古人并因時因證而變通之自無不

與古人之意昭合間有疑難怪異之症有古法未經  
道及者輒澄心凝思按脈切理仍於古法之中而求  
之慎之又慎確有心得出而問世所幸全活甚多因  
不揣固陋於臨症之暇僅就管見所及著爲是編顏  
之曰醫粹精言其立意持論大半皆古人所未言而  
於古人所已言者暨各大家真知卓識之論亦時出  
入其間以與爲發明是否有當予亦不自知應俟方  
家再爲指正粹精云者予非自命特自勗也噫天下

事不粹不精不可以有言至粹至精則尤不易言醫  
之一道何獨不然子既以粹精自勗尤願見是篇者  
各以粹精共勗庶於聖人已立立人之道默有合焉  
是則私心所竊幸也

光緒二十一年乙未小陽月奉天齡臣氏徐延祚識  
於羊城鐵如意軒





金華縣志卷之五

五十一

五十二

五十三

五十四

五十五